



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCXVI. ad annum MCCCCXXIII.

**Parisiis, 1644**

Sessio XXV.

**urn:nbn:de:hbz:466:1-15653**

temporalem exercentes iurisdictionem, quocumque nomine sive titulo nuncupentur, requirimus in fide Christi & Dei, vosque nihilo minus ex parte nostra requiratis, quatenus vobis aut vestrum cuilibet in exequendis præmissis præbeant auxilium, consilium & fauorem, vosque & vestrum quemlibet ab omni impedimento vel impedimentis contra præmissa omnia & singula, quantum in eis erit, protegant & defendant, mandantes vobis & vestrum singulis, prout ad quemlibet pertinebit, quatenus nobis in nostra generali sessione de gestis per vos & responsis fideliter sub publicis instrumentis infra terminos citationum ipsarum relationem faciatis, & debite præsentetis.

Datum Constantiæ quarto Kalendas Decembris, anno a nativitate Domini millesimo quadringentesimo decimo sexto, in nostra publica sessione. Qua quidem citatione sic lecta, reuerendus pater dominus Antonius Concordiensis, Alanus Leonensis, episcopi, Gundisaluuus Garsia de sancta Maria decretorum docto, Patricius Cortagensis & Nicolaus Mersburgensis episcopi, nomine nationum huius sanctæ Synodi, ac Ioannes episcopus Ostiensis sanctæ Romanæ ecclesiæ cardinalis & vicecancellarius, nomine sacri collegii dominorum cardinalium responderunt, & quilibet eorum respondit, Placet.

### SESSIO XXV.

**A**NNO Domini millesimo quadringentesimo decimo sexto, indictione nona, die vero Lunæ decimaquarta mensis Decembris, fuit sessio generalis in maiori ecclesia Constantiensi solenniter celebrata pro vnione oratorum & procuratorum magnifici domini comitis de Fuxo, & trium statuum <sup>\*f. domi-</sup> dominorum suorum, ipsius & suorum illorum nominibus. Fuerunt autem dicti ambasiatores reuerendissimus dominus Petrus sanctæ Romanæ ecclesiæ cardinalis de Fuxo, ac reuerendi patres Saucius Olorensis & Bernardus Adurensis episcopi. Fuitque ibidem modus & ordo seruatus in hac sessione, sicut in vnione ambasatarum regis Aragonum, prout in sessione vigesimaseunda supra continetur. Postquam vero facta fuit vnio & incorporatio ad sacrum Concilium dictorum oratorum & procuratorum præfati magnifici comitis de Fuxo, trium-

que statuum dominorum suorum , reuerendissimus in Christo pater dominus Bartholomaeus archiepiscopus Mediolanensis legebat schedulam tenoris subsequentis.

*Decretum concessionis Olomucensis ecclesiæ in commendam.*

Sacrosancta Constantiensis Synodus concedit & committit custodiam , curam , regimen & administrationem ecclesiæ Olomucensis in spiritualibus & temporalibus in regno Bohemiae & marchionatu Morauiae vacantis pro præsenti , & legitima administratione parentis per obitum bonæ memoriae Venceslai patriarchæ Antiocheni , qui auctoritate apostolica quoad viueret , eam habebat in commendam , in fauorem fidei , & vt necessitatibus & utilitatibus ipsius ecclesiæ occurratur , venerabili fratri Ioanni episcopo Lutomussensi , usque ad electionem futuri summi pontificis Romani , & expost ad tres menses immediate sequentes , mandans & committens venerabili fratri Ioanni episcopo Ostiensi sanctæ Romanæ ecclesiæ cardinali & vicecancellario , literas super hoc opportunas in forma debita & gratis de mandato expedire. Et post haec de mandato Concilii prædicti fuit responsum per dominos ad hoc deputatos , videlicet reuerendos patres dominos Antonium episcopum Concordiensem pro Italica , Ioannem protonotarium de Trembleio pro Gallicana , Gundisaluum de sancta Maria pro Hispanica , Patricium episcopum Cortagensem pro Anglicana , Nicolaum episcopum Mersburgensem pro Germanica , nationibus , & Ioannem episcopum Ostiensem cardinalem Viuariensem nomine cardinalium , per verbum , Placet.

SESSIO XXVI.

*Pro unione ambasiorum regis Nauarræ.*

**D**IE Iouis vigesimaquarta mensis Decembris fuit sessionis generalis in maiori ecclesia Constantiensi solenniter celebrata , in qua fuit facta vno ad sacrum Constantiense Concilium nomine illustrissimi principis domini Caroli regis Nauarræ per suos solennes ambasadores , videlicet Guillermum Arnoldi Baionensem , & Nicolaum Aquensem , episcopos , Eximium \* Ayner canonum & archidiaconum in ecclesia Pampilonensi , in sacra pagina

\* Auctor